

壯悔堂集

冊四

四憶堂詩集序

侯子刻四憶堂詩成賈子敘曰嗚呼詩之存亡豈不以人哉易曰修辭立其誠誠者性情辭者體要吾聞古聖賢之徒誠發爲辭而詩命焉非知道莫或幾也尙書以樂合詩以教胄子以和神人孔氏斷自商周定篇三百疏宕者風莊嚴者雅奧質者頌盡辭之變矣非是則無辭也端木賜傳卜商小序傳也序也非作也孔氏亡而詩亡漢魏六朝作者間出然求其旨歸於四詩者鮮矣千餘載而唐始有杜甫杜甫者非唐三百年一人也孔氏刪詩後一人也同時當在端木卜商之上舊論謂山東李白與甫齊名然白以氣韻雄未爲知道甫獨能極衆眩曜折以法度披其全文小雅譏小己之得失其流及上庶幾近之杜甫亡而詩又亡其後七百年明有李夢陽何景明登其堂正始在焉今流俗之議之者以爲優孟衣冠夫世有金谷瑤室居然天府卽明璫琬瑩閒未充斥非探其層複者固未易知也亦泱泱乎

大觀矣彼刻意清聖雖露臺猶不獲與未央宮等而況墦然起於窮巷庶人之風乎嗚乎慶曆以還言詩者衆矣其與二公之得失爲何如也二公亡後又百餘年而有余友侯子殫心討論垂二十年避難歸里始釐定詩章一言之不類於道者皆去之侯子曰杜甫者非唐三百年一人也孔氏刪詩以後源流在此也今夫世之尊杜甫者非知杜甫也耳治也若侯子者可謂知杜甫矣可謂知道矣先是洛陽有相國王公鐸又稍前則侯子仲父大司城公恪其詩頗與甫合然集大成者其侯子乎武威賈開宗記

四憶堂詩集序

漆園氏稱犛牛大若垂天之雲而不能搏鼠蝮與鸞鳩翱翔蓬蒿之間而不能搏扶搖而上九萬里物各有其分信哉孔子刪詩有雅有頌有風雅頌之言欲大而普犛牛若垂天之雲之類也風之言欲幽而悉蝮與鸞鳩翱翔蓬蒿之間之類也漢魏而下唐三百年如杜甫諸人有時應制郊廟及名山大川邊塞之什與夫贈送將相有關治亂之作則其言大而普有時丘壑花月飲酒紀離之吟則幽而悉致相兼也晚唐宋元數百年號爲作者鄙而不能大也纖而不能幽也而詩亡矣明三百年劉基高啓諸人而後蔚興于李夢陽何景明今觀景明之詩沉鬱頓挫遜夢陽固也其與夢陽論詩諸書氣象之後益以清新逸俊故夢陽之詩全體杜甫者景明之力也其後太倉歷下諸子猶能守其宗風浸淫以降失其義類尋常宴集動引國事閨中禪房雜綴風塵充其類至于有雅頌而無風相沿數十年而不足

厭服天下騷人墨士之心公安景陵輩起而詆之遂盡變其調而不自知其入于輕俗寒瘦之僻充其類又至于有風而無雅頌故夢陽而後全體杜甫者戛戛乎其難之予友侯子以詩名者二十年先後著作凡歷數變要皆慎而求焉以杜甫爲宗犖受而讀所謂明之夢陽庶幾近之其必傳無疑也世之學詩者誦法太倉歷下則有侯子應制郊廟及名山大川邊塞之什贈送將相有關治亂之作所謂大而普者也卽不能跂反公安景陵之說則有侯子丘壑花月飲酒紀離之吟所謂幽而悉者也非獨有關於世道之絕續亦將使海內學詩者知所法也同里社弟宋犖撰

四憶堂詩集序

先司馬公與侯司徒公相善以故兩家子姓咸若昆弟也司馬公長於司徒公八歲今朝宗乃長於余八歲其莫逆一如兩公朝宗蚤以文章風雅擅宇宙大名余時尙孩童嬉戲輒聞而震驚之司馬公亦數數言侯公子軼塵超影小子可不勗諸甲申朝宗懼皖江黨人之獄避司馬公邸中始與余定交慷慨悲歌醉後留一詩爲別今集中別練三者是也余每恨當時不知詩雖幸與朝宗交聞其論當世大略而未得究風雅之指歸一念及怏怏者久之未幾遭天下改革聚散不常與朝宗遂相失又數歲復遇之於禾水朝宗是時較潘岳秋興之年不過加其三而乃鬢有二毛余更七尺潦倒無以謝故人嗚呼不有吟詠何以陶寫昔人之賦五噫四愁者未知視吾兩人遭際何如也邸次中時時論詩謬爲朝宗許可乃出其全集俾余訂之余竊謂詩人固無不學卽具才亦大約左右追隨之間未有全相倍屣

者惟是識之所至不可復強則分優劣耳少陵之空其羣輩者有獨
識也余之服膺四憶堂以此至於源流正變則賈宋二子論之詳矣
茲不贅也社弟練貞吉記

四憶堂詩集序

人生每多不見古人之恨如梁孝王者不得與之同時亦一恨也假令生當其時與梁園賓客倡和必有可觀曩者萬年少相訂爲中州之遊弔梁王舊址憑眺嵩嶽觀二室之奇介余於侯氏之族謂此中有長華朝宗賦詩讌客不減梁園余竊心動嗣後蔣黃門楚珍周文學勒卣相繼往遊歸述梁園人物之盛如霖蒼讓伯赤社孝先靜子恭士其選也而首推服者則稱道朝宗勿絕云余甲戌交朝宗讀其文景慕其爲人壬午之秋把臂白門意氣浩落才鋒四起以爲一代文人倜儻非常之概固宜如斯也壬辰冬朝宗渡江而南訪孝先於禾城復與余遇極論當世治亂古今成敗之故曉暢精詳皆素所諳練與耳食者異及言故人往事感歎悲泣然後歎其賦性淵篤用意深切不可徒以文人目之而余向乃知吾友不盡也朝宗齒方壯才名早著亦已二十年矣以其作史之才開館援筆可備文獻顧其學

乃時時見於他說何也儒者多不知前代故實與夫黨戶源流仕宦邪正及將相功罪邊疆虛實大小寇亂所繇起朝宗侍司徒公宦遊身歷兵農之務故言之洞悉若指諸掌余嘗於其所作傳記中竊觀之以稱良史何媿焉若其緣情賦景卽事造端著爲風雅之辭體則各備動法古人憫亂似少陵詠史似義山懷古似用晦出其憑弔之篇與秦州馬嵬驪山金陵比而較之未知孰勝一唱三歎之間有變而不失其正者語余曰是刻也編年而成凡若干卷編年者以驗學之日進亦以考時之代更也二十年内兵寇流離奔竄瑣尾而刻陰窮晷著作不輟其所目擊心愴人物之存亡不知凡幾矣是以朝宗之敘余也感念陳夏皆已零落余又安能已於讓伯霖蒼西州之痛哉吾兩人雖老壯不同然靈光之存有同感矣雲間盟社弟彭賓題于吳興蕭寺

四憶堂詩集目錄

第一卷

過易水黃金臺

出塞

魏徵墓

關山月

蒼鷹

新月二首

蚤發述懷

寄彭別駕丈人

漫贈三首

贈吳徵君丈人

聞雁二首

鸚鵡行

竹生崑崙西

西山雜詩五首

蚤春見蠅

惡木

藉田禮成恭記

天壽山陵

居庸關

和詹事文公宿郊壇作

郊祀二十韻

大閱二十五韻

早朝應司徒公教

宿州

塞下曲二首

蜀犬行

皓魄

晚眺

泛舟卽事

召旱

絕句四首

贈徐大世琛

故城

武城

朝城

麥秀

寒食

清明

贈徐孝廉作霖三十韻

蓬蒿行

暮春雜詩五首

四時辭四首

劍客

第二卷

王嬙故里

謝方簡討送衣

寄夏進士允彝

金陵贈范公司馬

奉和臬司李公白兔之作

贈梁明府

贈給事何公謫金陵四首

妖彗

招隱二章章五句

燕至二首

歸來酬吳大伯裔見贈用原韻兼呈徐四作霖吳二伯胤

弔戰場二首

秋蚓歎

送陳生歸義興

贈人

金陵題畫扇

姑射何高

白頭吟

生別離

老柏

雨

贈劉京兆

聞亂八首

李生宗約家蓄鵝肥膾吳子數數爲余言思其充庖率爾作此
示宗約兼呈吳大伯裔徐四作霖

野田黃雀行

禁旅十首

劍外

寄寧南侯

又寄子侯

桃源寺

九日雨花臺五首

夢吳二伯胤

世事

虎丘八月十五夜

第三卷

洞庭

冬日湖上二首

過昭慶寺

四兄至

岳廟

堤上

餘杭

晚渡錢塘

富陽

蚤發

寄揚州賀都督

贈高開府二首

臨發別賀都督

贈張尚書

九日過張員外

宴張尚書舟中

甲申聞新參相公口號

禹鑄九鼎歌

金陵別練三

燕子磯送次尾

白露

卜居

湖上

海陵署中二首

過鳳陽陵

中秋二首

九日登高

長至

觀趙十一娘畫幽蘭行

并序

十一夜月

雨

寄懷陳黃門子龍

奉送賈三丈開宗歸隱

苦疫行

春興八首

舍弟書至

奉贈故相國王公

蘭至

村西草堂歌

得姑蘇消息二首

黔虎行

寄陳子山中三首

都護馬爲狼所食歌

後歌

寄李舍人雯

寄泗上王二丈

第四卷

詠懷詩二十一首

送故武衛趙將軍

任弟生日

舊業四首

漫興四首

寄二兄

村居和徐五作肅三首

幽棲

種樹

後春興八首

月

又見

除夜四首

正月初一日雪

我昔二首

去住

奉送王將軍歸田

遁迹

聞彭別駕亡

張叔夜祠

南岡

題韓叔夜膝廬四首

詠古五首

聞言四首

感懷口號十五首

送前朝沈職方遠行

寄修都督

歲暮雜詩四首

過叔氏別業

喜六兄舉兒

寄陳將軍二首

第五卷

高都督凱歌四首

過洛陽贈高都督

別徐大隣唐

再別宋二舉

四兄事雪後却寄

再過宜興贈陳四丈貞慧

示顧孝廉宸

贈觀察原公

宴原觀察生日席上作

陽羨歌答陳生

種松歌贈陳郎

寄賈三丈開宗

澄江贈高顓孫

贈徐君銓

贈許山子

遊吳遇李校書四首

贈校書歌二首

放歌送校書一首

哀辭九章

并序

澄江過韓氏園亭四首

君山

晚登君山大風望江

回首

答任王谷

第六卷

章皇帝御筆歌

老梅行贈韓翁

寄蕭三丈啓禎

寄宋二曄

寄徐五作肅

雨中舟行

答陳生

答任子

過澄江贈蔣合明

贈戴九韶